

mières charges des personnes qui par leurs fiefs relevoient d'un autre Suzerain; elles se plaignoient que les vassaux empêchoient

rence luy allifrent audevant. Secondement les Nobles & le Conseil à cheval, aussy belle compaignye de gens de pyed auecque l'enfeigne de la ville en fort bel ordre bien arme & accoustre & les petits enffans auecque l'enfeigne d'Aultriche ung chachung portant en sa main, & deuant ladite porte des estangs devant le bellouart par lequel il entroit fust fait un personnage telz, que dedans l'estang estoit Sainct Cristoffle portant sur ses espaulles nostre Sauueur Jesu Crist, & deuant de la porte de Jacquemard de la parthie de l'estang, estoit Sainct George sur un grand cheval tout arme tenant sa lance en la main, pour sauuer la fille du Roy d'ung grand dragon qui la vouloyt desgloutir, & estoient le Roy & la Royne sur les murailles de Jacquemard, & en apres par toutes les rues par où il passoit l'on faisoit des personnaiges, desqueulx en estoient mes troys fils, Jacob, Guillaume & Vulleme Cudriffin, & fust ledit Prince conduyt & loge au monastere des freres Mineurs de l'Ordre Sainct Francoys, & pour sa bienvenue luy fust donne & fait present, par les Nobles Conseil & Communauté de ladite ville de Frybourg, cinquante muys de froment, cinquante muys despelte, deux cents muys dauoyne, soixante muys de vin, vingt beuff gras, deux cents moutons gras, troys cents poullailles, douzes baccons gras sale, six cents Lybures de beurre, ung bossiet de sel, trente & six torches de cyre, trente & six lybures de coryande, auecque beaucoup d'autres douceurs, & comme à Prince de corps & de bien, Puys feust loge le Marquis de Rottelin chie sieur Niccod Bunyet à xv cheual & plusieurs foys à xviii, & luy fust depuys le jour predict. Semblablement le Prince jusques au mardi iiii jour de Novembre tousiour aux frais & missions dudit Niccod Bugnyet. Et au commencement de larryuee dudit Prince d'Aultriche, sa grace fist à préparer un banquet & soupper, auquel feufrent conuoye les Nobles & Conseillers cy-appres escript, pareillement les Nobles dames d'estat & d'honneur de la ville, à un souppe sur la maison du Conseil, & fust-ce par un lundy 1449, auquel convive pour l'honneur & révérence dudit Prince, la Noblesse & les principaulx firent un grand buffet de toute leur vasselle d'argent & argenterie chacung à son endroyt à la bonne foy, sans y penser nul mal quil leur en deust advenir, ains apres souppe ayant fait grand festin par les gentilshommes, furent les dames mennées sur la maison de Lale du drap pour dancier & laisserent leur vasselle, ausquelles dances veinist le Prince accompagne de ses Seigneurs Barons, Cheualliers & Escuyers, danceant en grand joye jusques à xi heures en la nuyt, lequel joye puis apres en grand tribulation & angustie se conuertist comment entendres cy-appres.

Je renvoye la fin de cette relation, au n°. XXVI, parmi les preuves.